

Në bazë të Programit për aktivitetet në fushën e sportit dhe të rinjve në Qytetin e Shkupit për vitin 2022 (Lajmëtari Zyrtar i Qytetit të Shkupit nr. 2/22), Qyteti i Shkupit shpall:

THIRRJE PUBLIKE
për shpërndarjen e mjeteve buxhetore për financimin e programeve,
projekteve, aktiviteteve dhe manifestimeve për të rinj me interes për
Qytetin e Shkupit për vitin 2022

Përcaktimi strategjik i Qytetit të Shkupit për mbështetjen e iniciativave rinore është që nëpërmjet programeve, projekteve, manifestimeve, aktiviteteve dhe thirrjeve publike të inkurajojnë zhvillimin e të rinjve në nivel të qytetit të Shkupit, si dhe veprimin dhe përmirësimin e pozitës së tyre në shoqëri.

Aktivitetet, programet, projektet dhe manifestimet për të rinj dhe mjetet financiare për realizimin e tyre, Qyteti i Shkupit i përcakton me programin vjetor gjë me të cilën shpreh interesin e vet dhe nevojat në këtë sferë. Mjetet për financimin e programeve dhe projekteve do të sigurohen nga Buxheti i Qytetit të Shkupit për vitin 2022.

1. Përshkrim i shkurtër i Programit dhe llojit të projekteve të cilat do të mbështeten

Në përputhje me dispozitat ligjore dhe kriteret për përcaktimin e Programit për sport dhe të rinj dhe për sigurimin e mjeteve financiare për realizimin e tyre, Qyteti i Shkupit me Programin për aktivitetet nga fusha e të rinjve në qytetin e Shkupit për vitin 2022, do të mbështesë:

- Inkurajimi i të rinjve për pjesëmarrje aktive në shoqëri nëpërmjet afirmimit dhe mbështetjes së aktiviteteve rinore, punës rinore dhe arsimit joformal në territorin e qytetit të Shkupit.
- Inkurajimi i lidhjeve, shoqatave dhe formave të tjera të bashkëpunimit për të marrë pjesë në krijimin dhe zbatimin e politikave rinore, duke përfshirë forcimin e kapaciteteve të shoqatave rinore në territorin e qytetit të Shkupit.
- Sigurimi i kushteve për shfrytëzim aktiv dhe cilësor të kohës së lirë të të rinjve.
- Inkurajimi i të rinjve për të marrë pjesë në aktivitete sportive dhe rekreative me theks në kultivimin e shprehive të shëndetshme jetësore.
- Inkurajimi i aktiviteteve vullnetare tek të rinjtë, si dhe organizimi i seminareve dhe edukimeve.
- Inkurajimi i aktiviteteve në fushën e kulturës dhe artit në territorin e Qytetit të Shkupit.
- Mbështetja e aktiviteteve dhe projekteve për mbrojtjen e mjedisit jetësor dhe rregullimit hapësinor në Shkup.
- Nxitja e të rinjve në krijimin e ideve nga fusha e teknologjisë informatike.

Mjetet ndahen nga Buxheti i Qytetit të Shkupit për vitin 2022, nga Programi për aktivitetet në fushën e sportit dhe të rinjve në Qytetin e Shkupit për vitin 2022, në vlerën 3.000.000.00 denarë për shoqata civile, organizata joqeveritare, fondacione dhe persona të tjerë juridikë, si dhe në vlerën 1.500.000 denarë për persona fizikë.

2. Kushte dhe kritere të përgjithshme

Përveç fushave të lartpërmendura, aplikimet e depozituara duhet të plotësojnë qëllimet dhe kriteret të cilat janë dhënë të bashkëngjitura në Thirrjen publike, e cila është shpallur në ueb-faqen zyrtare të Qytetit të Shkupit www.skopje.gov.mk

Në procedurën për shpërndarjen e mjeteve buxhetore nga Programi për aktivitetet në fushën e sportit dhe të rinjve në qytetin e Shkupit për vitin 2022, do të pranohen ato programe dhe projekte, aktivitete programore dhe manifestime, të cilat në bazë të kriterëve specifike do të sigurojnë më së paku 60 pikë.

Projekti me të cilin do të konkurrohet dhe që do të zgjidhet, domethënë, projekti i plotë ose faza përfundimtare e projektit duhet të përfundojë më së voni deri më 01.12.2022.

3. Mënyra e aplikimit dhe dokumentacioni i detyrueshëm

Të drejtë për pjesëmarrje në Thirrjen publike, kanë:

- a) Shoqatat civile, organizatat joqeveritare, fondacionet si dhe persona të tjerë juridikë dhe fizikë, të cilët e kanë selinë në territorin e Qytetit të Shkupit, dhe në propozim-aplikimet e tyre do të përfshijnë të rinj të moshës nga 15 deri në 29 vjeç; dhe
- b) Persona fizikë që janë banorë të qytetit të Shkupit të moshës nga 15 deri në 29 vjeç.

Aplikuesi, përveç fletëparaqitjes, detyrimisht duhet të depozitojë edhe dokumentet e mëposhtme:

Shoqatat civile, organizatat joqeveritare, fondacionet dhe personat e tjerë juridikë duhet të depozitojnë:

- a) Aktvendim për regjistrim në Regjistrin qendror të Republikës së Maqedonisë së Veriut.
- b) Gjendje aktuale për veprimtarinë e regjistruar jo më të vjetër se gjashtë muaj, të lëshuar nga Regjistri Qendror i Republikës së Maqedonisë së Veriut.
- c) Vërtetim për xhiro-llogari të hapur dhe aktive në bankë.
- d) Aplikim i plotësuar.

Personat fizikë

- a) Biografi e shkurtër dhe CV e aplikuesit
- b) Kopje e llogarisë së transaksionit
- c) Kopje e kartës së identitetit
- d) Aplikim i plotësuar.

4. Afati dhe mënyra e depozitimit të aplikimeve:

Të dhënat e nevojshme si dhe propozim-programet dhe projektet, aktivitetet programore dhe manifestimet, me konstruksionin financiar, duhet të depozitohen në një aplikim të veçantë i cili mund të merret në Arkivin e Qytetit të Shkupit (baraka 16) ose të shkarkohet nga ueb-faqja zyrtare e Qytetit të Shkupit www.skopje.gov.mk

Thirrja publike **zgjat 13 ditë kalendarike**, nga dita e shpalljes në mjetet e informimit publik dhe në ueb-faqen e Qytetit të Shkupit www.skopje.gov.mk

Thirrja publike shpallet më **09.04.2022** dhe zgjat deri më **21.04.2022**.

Aplikimet duhet të depozitohen pranë Qytetit të Shkupit, nëpërmjet postës në adresën: Bul. "Ilinden" numër 82, 1000 Shkup, ose në Arkivin e Qytetit të Shkupit (baraka 16), më së voni deri më **21.04.2022** deri në orën **15:00** të ditës së fundit të përfundimit të Thirrjes Publike, me shënimin "**Thirrje publike për shpërndarjen e mjeteve buxhetore për financimin e programeve, projekteve, aktiviteteve dhe manifestimeve për të rinj me interes për Qytetin e Shkupit për vitin 2022**".

Aplikimet depozitohen në zarf të mbyllur dhe të vulosur, pa shënuar subjektin ose personin fizik, i cili depoziton aplikimin.

VËREJTJE: Aplikimet e parregullta të cilat nuk janë depozituar në mënyrën që kërkohet në tekstin e mësipërm, që përmbajnë të dhëna të paplota dhe dokumentacion jo të plotë, si dhe ato që nuk do të depozitohen në afatin e caktuar, nuk do të shqyrtohen.

Informacione plotësuese mund të merren në tel: 02/ 3297-238 dhe 3297-320.

QYTETI I SHKUPIT

KRYETARJA E QYTETIT TË SHKUPIT